

SKUPŠTINA KANTONA SARAJEVO

NAROD I PRAVDA

Mersiha Mehmedagić

MINISTARSTVO PRAVDE I UPRAVE

PREDMET: DOPUNA ODGOVORA NA ZASTUPNIČKO PITANJE, *traži se*

Na Sedmoj radnoj sjednici Skupštine Kantona Sarajevo održanoj dana 19.04.2023. godine podnijela sam inicijativu za uspostavljanje web portala za potrebe učešća građana elektronskim putem u javnim raspravama pri donošenju zakona po uzoru na portal Vlade Republike Hrvatske *savjetovanje.gov.hr*.

Pod brojem 03-04-02-22884/23 od 18.05.2023. godine dobila sam načelnu podršku inicijativi i uopšten odgovor koji glasi:

*„Uspostavljanje web portala putem kojeg bi se provodile konsultacije, odnosno javne rasprave prilikom donošenja zakona u Kantonu Sarajevo, također bi podrazumijevalo prethodno usklađivanje pravnog okvira koji bi omogućio provođenje konsultacija, odnosno javnih rasprava na način kako je to navedeno u predmetnoj inicijativi. Pored toga, općenito, kada je u pitanju ostvarivanje prava građana i pružanje javnih usluga elektronskim putem, pa tako i u slučaju učešća građana u konsultacijama, odnosno javnoj raspravi putem web portala, prethodno je potrebno osigurati odgovarajuće tehničke predulove, te donijeti propise kojima bi se, između ostalog, definisao način identifikacije, odnosno autentifikacije korisnika.“*

Kako odgovor ne precizira koje su konkretne prepreke za realizaciju, hoće li ih, kada i kako Ministarstvo otkloniti, molim da se u narednom periodu odgovor dopuni na način da se pojasni koji pravni okvir je potrebno uskladiti, radi li se o pravnom okviru iz nadležnosti Kantona Sarajevo ili je potrebno inicirati izmjene pravnog okvira viših nivoa vlasti, koje tehničke uslove je potrebno osigurati uz procjenu potrebnih sredstava kako bi se omogućilo provođenje konsultacija i javnih rasprava elektronskim putem. Pored navedenog, molim za pojašnjenje da li se inicijativa može tretirati kroz *Zakon o elektronskom upravljanju u Kantonu Sarajevo* koji se po Programu rada Skupštine KS planira usvajati u periodu novembar-decembar?

Sarajevo, 30.05.2023.



Mersiha Mehmedagić, zastupnica